



ԵՐԵՎԱՆԻ ՔԱՂԱՔԱՊԵՏԱՐԱՆ

ՎԱՐՉԱԿԱՆ ԻՐԱՎԱԽԱՆՏՈՒՄՆԵՐԻ ՎԵՐԱԲԵՐՅԱԼ ԳՈՐԾԵՐԻ
ՔՆՆՈՒԹՅԱՆ ԲԱԺԻՆ

ՈՐՈՇՈՒՄ N° Վ- 12/12

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

« 23 » Տեպրեմբ 2022թ.

1. Վարչական իրավախախտման վերաբերյալ գործի նկարագրությունը.

Երևանի քաղաքապետարանի աշխատակազմի առևտրի և ծառայությունների վարչության աշխատակիցներ Հ. Միսոնյանի և Գ. Մարգարյանի կողմից 20.01.2022 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգիրք) 158-րդ հոդվածի 13-րդ մասով նախատեսված վարչական իրավախախտում, մասնավորապես՝ անհատ ձեռնարկատեր Արամ Ռուբենի Առաքելյանի կողմից Երևան քաղաքի Հանրապետության փողոցի հ. 24/15 հասցեում գործող առևտրի օբյեկտում իրականացվում էր «Առևտրի և ծառայությունների մասին» օրենքի 9-րդ հոդվածի 2.1 մասով արգելված ապրանքների, մասնավորապես՝ մինչև 50 միկրոն հաստությամբ պոլիէթիլենային տոպրակի իրացում, որի վերաբերյալ 20.01.2022 թվականին կազմվել է վարչական իրավախախտման վերաբերյալ թիվ 003392 արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին ձեռք է բերվել պոլիէթիլենային տոպրակի օրինակը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը անհատ ձեռնարկատեր Արամ Ռուբենի Առաքելյանի մասնակցությունն ապահովելու նպատակով Երևանի քաղաքապետարանի կողմից միջոցներ են ձեռնարկվել անհատ ձեռնարկատեր Արամ Ռուբենի Առաքելյանին Երևանի քաղաքապետարանում կայանալիք նիստերի վերաբերյալ ծանուցելու համար, սակայն ծրարը հետ է վերադարձվել կամ ծանուցագրերը մինչ օրս չեն վերադարձվել, իսկ քաղաքացին չի ներկայացել Երևանի քաղաքապետարան, ուստի նկատի ունենալով, որ չի ապահովվել վերջինիս պատշաճ ծանուցումը, հետևապես առկա է իրավական հիմք՝ մինչ անհատ ձեռնարկատեր Արամ Ռուբենի Առաքելյանին պատշաճ ծանուցման փաստի առկայությունը՝ կասեցնել գործի վարույթը:

Հաշվի առնելով, որ Օրենսգրքի դրույթներով չեն կանոնակարգվում վարչական իրավախախտման վերաբերյալ վարույթների կասեցման դեպքերը, հիմքերն ու կարգը, և այդպիսի կարգավորումները սահմանվում են «Վարչական հիմունքների և վարչական վարույթի մասին» օրենքով (հետայսու՝ Օրենք), ուստի ղեկավարվելով Օրենքի 49-րդ հոդվածի 1-ին մասի «բ» կետով՝ անհատ ձեռնարկատեր Արամ Ռուբենի Առաքելյանի նկատմամբ 20.01.2022 թվականին կազմված հ. 003392 արձանագրության հիման վրա հարուցված վարչական վարույթը 10.03.2022 թվականի վարչական իրավախախտման գործի վերաբերյալ հ.

Վարչական իրավախախտման գործով հարուցված վարչական վարույթի շրջանակներում գործի փաստական հանգամանքների քննարկմանը անհատ ձեռնարկատեր Արամ Ռուբենի Առաքելյանի մասնակցությունը ապահովելու նպատակով Երևանի քաղաքապետարանի կողմից կրկին միջոցներ են ձեռնարկվել անհատ ձեռնարկատեր Արամ Ռուբենի Առաքելյանին Երևանի քաղաքապետարանում 23.03.2022 թվականին կայանալիք նիստին ծանուցելու համար:

Հարուցված վարչական վարույթի շրջանակներում 23.03.2022 թվականին գործի քննությանը ներկայացավ և մասնակցեց անհատ ձեռնարկատեր Արամ Ռուբենի Առաքելյանը (անձնագիր BA 3188850, տրված 23.10.2017 թվականին, 011-ի կողմից): Վերջինս, բացի «Բացատրագիր» վերառառությամբ նյութում տրված բացատրություններից, հայտնեց նաև հետևյալը, որ ունեցել է նաև թղթե և օրենքին համախառնասխան տույրակներ: Թերությունները շտկվել են: Իր նկատմամբ առաջին անգամ է կազմվել արձանագրությունը:

Անհատ ձեռնարկատեր Արամ Ռուբենի Առաքելյանի կողմից գործի քննությունն իրականացնող պաշտոնատար անձի նկատմամբ բացարկ հայտնելու միջնորդություններ, ինչպես նաև այլ միջնորդություններ չներկայացվեցին:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, 20.01.2022 թվականի հ. 012 հանձնարարագիրը, անհատ ձեռնարկատիրոջ պետական գրանցման վերաբերյալ տեղեկատվությունը, ՀՀ էկոնամիկայի նախարարության «Ստանդարտացման և չափագիտության ազգային մարմին» ՓԲԸ-ի տնօրենի ժամանակավոր պաշտոնակատարի 12.10.2020 թվականի հ. 07/142 տեղեկանքը, ինչպես նաև անհատ ձեռնարկատեր Արամ Ռուբենի Առաքելյանի կողմից տրված բացատրությունները և հսկողության իրականացման ժամանակ ձեռք բերված պոլիէթիլենային տույրակի օրինակը:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում հիմնավորվեց, որ 20.01.2022 թվականին անհատ ձեռնարկատեր Արամ Ռուբենի Առաքելյանի կողմից Երևան քաղաքի Հանրապետության փողոցի հ. 24/15 հասցեում գործող առևտրի օբյեկտում իրականացվել է մինչև 50 միկրոն հաստությամբ պոլիէթիլենային տույրակների իրացում:

Անհատ ձեռնարկատեր Արամ Ռուբենի Առաքելյանի կողմից թույլ է տրվել Օրենսգրքի 158-րդ հոդվածի 13-րդ մասով նախատեսված վարչական իրավախախտում:

Հաշվի առնելով անհատ ձեռնարկատեր Արամ Ռուբենի Առաքելյանի կողմից տրված բացատրությունները, իրավախախտման հետևանքների վերացման ուղղությամբ ձեռնարկված միջոցները և այն, որ անհատ ձեռնարկատեր Արամ Ռուբենի Առաքելյանի կողմից առաջին անգամ է թույլ տրվել Օրենսգրքի 158-րդ հոդվածի 13-րդ մասով նախատեսված վարչական իրավախախտում, ինչպես նաև նկատի ունենալով, որ թույլ տրված իրավախախտման արդյունքում էական հետևանքներ չեն առաջացել, ուստի առկա է վարչական իրավախախտման համար պատասխանատվությունը մեղմացնող հանգամանքը:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ Վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն են առաջանում գործող օրենսդրության համապատասխան:

Օրենսգրքի 158-րդ հոդվածի 13-րդ մասի համաձայն՝ առևտրի, հանրային սննդի օբյեկտներում, սպառողական ապրանքների, գյուղատնտեսական արտադրանքի, կենդանիների շուկաներում, կրպակներում, ինչպես նաև շրջիկ առևտրի կետերում և շրջածախ առևտրի միջոցով «Առևտրի և ծառայությունների մասին» Հայաստանի Հանրապետության օրենքով արգելվող ապրանքներ վաճառելը (իրացնելը)՝ առաջացնում է տուգանքի նշանակում պաշտոնատար անձի նկատմամբ՝ սահմանված նվազագույն աշխատավարձի քսանապատիկից մինչև երեսնապատիկի չափով:

«Առևտրի և ծառայությունների մասին» օրենքի 9-րդ հոդվածի 2.1 մասի համաձայն՝ առևտրի օբյեկտներում, առևտրի իրականացման վայրերում, շրջիկ առևտրի կետերի միջոցով, շրջածախ առևտրի միջոցով, ինչպես նաև բացօթյա առևտրի իրականացման դեպքում մանրածախ առևտուր իրականացնելիս ԵԱՏՄ ԱՏԳ ԱԱ 3923 ապրանքային դիրքում գտնվող (բացառությամբ 3923 29 900 0 ծածկագրին դասվող)՝ թաղանթի մինչև 50 միկրոն հաստությամբ պոլիէթիլենային պարկերի և տոպրակների (բացառությամբ կշռափաթեթավորման համար օգտագործվող պարկերի և երկրորդային հումքից արտադրված պարկերի և տոպրակների) վաճառքը (իրացնելը) արգելվում է:

Օրենքի 49-րդ հոդվածի 1-ին մասի «բ» կետի համաձայն՝ վարչական մարմինը պարտավոր է կասեցնել վարչական վարույթը, եթե վարույթին չի ներկայացել վարչական ակտի հասցեատերը, իսկ օրենքը բացառում է առանց նրա ներկայության համապատասխան վարչական ակտ ընդունելը:

Օրենքի 49-րդ հոդվածի 3-րդ մասի 2-րդ պարբերության համաձայն՝ սույն հոդվածի 1-ին մասի «բ» և «գ» կետերով, ինչպես նաև 2-րդ մասով նախատեսված դեպքերում վարչական վարույթը վերսկսվում է դրա կասեցման հիմք դարձած հանգամանքները վերանալուց հետո, բայց ոչ ուշ, քան կասեցման մասին որոշում ընդունելու օրվանից հետո 60 օրը լրանալը:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 33-րդ հոդվածով, 158-րդ հոդվածի 13-րդ մասով, 219.1-րդ, 252-րդ, 281-րդ և 282-րդ հոդվածներով, Օրենքի 49-րդ հոդվածի 1-ին մասի «բ» կետով, 3-րդ մասի 2-րդ պարբերությունով, Երևանի քաղաքապետի 14.02.2020 թվականի թիվ 460-Ա որոշմամբ՝

ՈՐՈՇԵՑԻ

1. Արամ Ռուբենի Առաքելյանի նկատմամբ 10.03.2022 թվականի հ. Վ-10/21 որոշմամբ կասեցված վարչական վարույթը վերսկսել:

2. Արամ Ռուբենի Առաքելյանին Օրենսգրքի 158-րդ հոդվածի 13-րդ մասով ենթարկել վարչական պատասխանատվության՝ նշանակելով վարչական տույժ 20.000 (քսան հազար) ՀՀ դրամ գումարի չափով:

3. Օրենսգրքի 305-րդ հոդվածի համաձայն տուգանքը պետք է վճարվի սույն որոշումը իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900015211239 հաշվեհամարին:

4. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԲԱԺՆԻ ԳԼԽԱՎՈՐ ՄԱՍՆԱԳԵՏ՝



ՎԱՂԻՆԱԿ ԱՆԱՆՅԱՆ